

۳ جمادی الاول ۱۳۳۱

نخستین

۲۸ مارت ۱۳۲۹

نومرو ۲۰ — ۲۴

نسخه سی ۲۰ پاره در



امور اداره و تحریریه و اعلانات و سائرہ ایچون مدیر
مسئولہ سراجعت ایدمللیدر .

ایونه سی بر سنه لك اعتباریله ممالك عثمانیه ایچون
اون بش و ممالك اجنیه ایچون ۲۰ فروشدر .

صرفای امك مقالات منصوفانه لرینه جریده
صوفیه نك صحیفه لری آچبقدر .

عمل اداره باب عالی جوارنده ابوالسمود جاده سنده
نجم استقبال مطبعه سی

شمذیلک اون بش کونده بر نشر اولنور

تصوفی ، دینی اخلاقی ، سیاسی جریده اسلامیه در

نائیت احسان بویرور اشته بو نعمتارله مظفرینلری یا محمد امتکزه
تبشیر ایدیکز .

۵ . — حدیث شریف مالی

« مؤمن حق یولنده جان و مالی فدا ایدرک جهاد ایدر . »

۶ . — حدیث شریف مالی

الله یولنده و دین اغورنده محاربه ایدرک اجرنی انجیق مولا
بیلر . نافله اوروج طومتق و نماز قبلق ثوابلری مجاهده و بریلر .
اشای محاربهده وفات ایدرک اولورسه الله تعالی فضل و کرمیله انی جنته
قویق تعهد بیورمشدر . عمری و ارسه غازی اوله رق پک چوق
غنیمت و ثواب ایله صاغ و سالم آنی اوبنه دوندورر .

۷ . — حدیث شریف مالی

« جناب الله فی آخر زمانده سیف ایله پیغمبر کوندردی .
وجهاده مأمور بیوردی . ورزقی مزراغک آلتنده و کولکسند
تقدیر ایلدی . بکا اویمایانلری خور و حقیر و درلو درلو ضررلر
کرفتار ایدر کندوسنی بر قومه بکزمه دن کشی آنلردن صابیلور .

الحاج حافظ داود

ادبیات

غزل

ای کوکل الدانه حقندن غیری دشمندر سکا
صحبته نه ای وحدت عین احساندر سکا
ایرمن سر منزل توحیده بیلمز کندیسین
اول و آخر رفیق خاص قرأندر سکا
سن بشرسک بوالبشردن آل امانت درسی
حاکم نفس اول همان هر مشکل آساندر سکا
صورتک مرآت سیرندر کوزک بر آجده باق
هر نه و ارسه عالم هستیده حیراندر سکا
وبرمه رخصت کیرمکه شیطان بهشت قلبکه
سن شه باغ هدایتسک بو خسراندر سکا
مالاک تاج کرامتسک ، مکره سکا زهی
نص قاطمه مؤید سنسکه برهاندر سکا
باش قویوب باب نوکلدن صاقین آیرله هیچ
امر حظه قدسیان هر دم نکهباندر سکا

اسماعیل حق

کلیات ابن الرحی دن :

ادبی باغچلر :

عدد
۵۴

« دنیا » نه دیمکدر ؟

دنیا — یا بر کوکبه اعتلادر . اهل احتشامک رؤس
طوالنه طوغار ، ویا بر سحر ابتلادر اهل ذوق عشق فتنه
انکیزیله اویالار .

دنیا — آجی ، ظلم ، فساد کبی لثیمیه دایما بر زمین وسیع ،
بر ساحه اجرا احضار ایدر .

دنیا — حریصانه شمائل اقبالی ، عارفله رخ اجلالی
کوسترر ، عزیمی هزیمه ، عزیمی ذله ، عظمی هزاله چویرر .

دنیا — ر جابر قاهردر ، هیچ بر جائر آکا انفاذ جبر
ایده من ، بر باکر ساهردر بنه هیچ بر صاحب جمال اظهار مکر
وخنده ایلیمز .

دنیا — جراتکار روحلر ، خرچین فکرلر ، ناقص عامللری
سدره عز ورفاهه ایصال ایدر ، مستثنا وجودلر ، زیه قلبلر ،
عازم دماغلری سیف انتقامنک لمعات خون آشامی اوکنده اکر ،
آنلردن کام آلیر .

دنیا — بر سراب لامعدرکه بارلاقغیلله بالجلله حسیاتی صید ،
او صورتنله وجدانلره حلول ایدر .

دنیا — یالکیز اهل سکون و تواضع اوکنده دیز چوکر ،
اعتراف ذات ایدر .

دنیا — وضعیه حاضع ، رفیمه هاجم خادع ، غیوره عاتم ،
عاطله خادمدر .

دنیا — قنطره عبرت مزرعه محنتدر . او قنطره دن کچن
کاشانه حیرته واصل ، او محنتی اکن سنبلستان جذب و جلاله
نائیل اولور .

دنیا — موجوده نشان موجد برهاندر .

دنیا — دارالتوحیددر . درس وحدت ، نوای توحید
آنجیق بوراده تحصیل اولنور . ده قصوده رحله وحدت اوکنده
نشته باب اوله میان عقبادهده زلال حقیقتدن حصه مند اوله من .

دنیا — کالار کالانی بوراده اکل ، عادلر عدلنی بنه بوراده
انجام ایدر ، لیکن ناقصار نقصاتی ، مظلوملر فریادنی فرداده
اظهار ایلر .

قلعه سلطانیه لی ابن الرحی

عبدلرحمن